



逐雨

臨暗，愛放學咧正來拚大雨。照學校規定，堵著落雨天，歸班愛分做兩股，有遮同个跔先生行，無遮擎个，乖乖在位項坐緊等屋家人來帶。成十分鐘過後，佢褲腳溼溼踏入教室，位項坐核个，既經伸無幾多個咧，「阿玉，吾奶來哩啲，再會！」學生一個一個歡歡喜喜，跔屋家人轉屋，平常時鬧借借个教室，這下恬都分人毋慣，空空个教室，這下斯伸著阿榮妹一儕人，擎緊筆在該發琢愕。外背，水管个洩水聲，雨聲，還過一陣光一陣暗个矚矚，教室肚，電火光華華，照都歸間教室顛倒燒燒暖暖。

「阿榮妹，若屋家人仰旨來諾？」「先生，厥等毋會來啦！」厥話語中有無奈。「仰臂諾？」「厥等做下在上班啊！」。死皺咧，伸佢一儕，雨若毋停，佢愛掌到幾時？改字簿个手無停，字簿面頂个紅字，嘎連做一幅圖，共樣个落雨天，共樣係學校，熟事个影像浮出來。該日，乜係雷公嘖嘖滾个落雨天，四圍乜係恁泥暗摸胥疏，鐘一響，放學咧，校門前尖淅淅，擎緊遮愛接細人个家長，廊下這頭鬧借借，學生擠擠擎在等遮同。「李大同、王阿清……」點著名个同學，同屋家人在白蓬蓬个雨肚，一雙一對緊行緊遠，直直到厥等頭那頂个遮花，一蕊一蕊謝盡，佢還在廊下胥嘍嘍。驚怕先生該同情个目神，在圓身頓腳，趁先生無注意，煞煞斯從入該銀色个斗雨中，佢走恁拚，雨也跔佢飄恁遽，無兩下半，歸身斯落潦咧。冷颼颼个雨，順核頭那毛溜往下，掙乜掙毋離，係雨抑係目汁，佢分毋清，單淨知講，怪怨積在心肝頭，像一葩火燒都佢兩支腳，搭爪毋核走拚過拚。

入到莊頭，遠遠斯看著阿姆在店門口，頭勾勾眺望，看著佢歸身落潦，掙緊入店門，佢官開嘴，吾話斯拚路出，「逐儕都有人擎遮，斯佢，石頭空暴个……」阿姆嘴擘擘，呆在該，脣口燒癢癢个老薑嫲糖水，在雨打阿鉛舩个節奏聲裡肚，慢慢冷撇。

如今，阿姆無在咧，該年少時節，所有偲挑知刺佢个話，乜跔佢埋入墓埔咧，毋過該兜話語个箭，這下倒插在吾心肝頭，不時，還會偷偷刺佢一下……。

作者：劉玉蕉

☆詞彙學習☆

- | | |
|---------------------------------|-----------------------------------|
| 【鬧借借】nau` zia` zia`：形容熱鬧、吵雜。 | 【溜往下】liu` gong+ ha+：往下滑落。 |
| 【死皺】si^ ziu`：慘了；糟糕了。 | 【掙毋離】boi+ m` li`：撥不開，此處形容很多。 |
| 【嘖嘖滾】gung` gung` gun^：形容雷聲不停。 | 【一葩火】rhid^ pa+ fo^：一把火。 |
| 【擠擠擎】zi` zi` ciu+：形容人多，大家聚集在一起。 | 【搭爪毋核】dab^ zau^ m` hed`：比喻腳步快速移動。 |
| 【胥嘍嘍】goi+ leu` leu`：引頸企盼。 | 【阿鉛舩】a+ rhen` piang^：鐵皮。 |
| 【趁】tan`：趁著。 | |
| 【從入】zong` ngib`：衝入。 | |